

AMATEGEKO AGENGA IRUSHANWA RY'IGIKOMBE CY'AMAHORO UMWAKA WA 2017.

Ingingo ya 1

Irushanwa ry'igikombe cy'Amahoro uyu mwaka rizatangira tariki ya 18/04/2017, rikazitabirwa n'amakipe yo mu cyiciro cya mbere (D1) n'icyakabiri (D2) yose hamwe ni amakipe 32.

Ingingo ya 2

Kugirango ikipe ikine irushanwa ry'igikombe cy'Amahoro umwaka wa 2017 igomba kuba yemewe na FERWAFWA.

Ingingo ya 3

Abakinnyi bemerewe gusimburwa ni batatu gusa ku mukino.

Ingingo ya 4

FERWAFWA niyo itanga gahunda yerekana uko amakipe azahura, ikanayihindura iyo bibaye ngombwa.

Ingingo ya 5

Amakipe azahura hakurikijwe uburyo akurikirana k'urutonde rugaragaza uko yakurikiranye (croisement) hashingiwe uko amakipe 16 yageze muri 1/8 mu gikombe cy'amahoro umwaka wa 2016, n'andi 16 yabonetse mu irushanwa ryabanjirije igikombe cy'amahoro mu mwaka wa 2017 (Phase préliminaire).

Ingingo ya 6

Umukinnyi uhawe ikarita itukura cyangwa agize amakarita atatu y'umuhondo ahagarikwa ku mukino ukurikira.

Ingingo ya 7

Ikipe ikinisha abakinnyi basanzwe bakina muri shampiyona ya 2017 bafite uruhushya (Licence) rutangwa na FERWAFWA. Kubirebana no gukinisha abakinnyi b'abanyamahanga hakurikizwa amategeko asanzwe agenga amarushanwa y'umupira w'amaguru mu Rwanda.



Ingingo ya 8

Kuva muri 1/16 kugeza muri ½ hazakinwa imikino ibanza n'uyo kwishyura (Aller et Retour)

Ikipe yasuwe izajya itegura ibi bikurikira:

- ❖ Ikibuga;
- ❖ Abashinzwe Umutekano;
- ❖ Abana batoragura imipira (Ball boys)

Ingingo ya 9

Mu gihe amakipe yanganyije ibitego:

- ❖ Iyo amakipe anganya ibitego mu mukino ubanza n'uwo kwishyura harebwa ikipe yatsinze byinshi hanze,
- ❖ Iyo amakipe anganya byose mu mukino ubanza n'uwo kwishyura hitabazwa penaliti nyuma y'umukino ntaminota y'inyongera uretse k'umukino wanyuma niho hitabazwa iminota mirongo itatu (30min) yinyongera.

Ingingo ya 10

Buri kipe isabwa kwambara imyenda yabugenewe ya siporo, ifite numero zigaragara, kandi iyasuye ikitwaza imyambaro ibiri (2) ifite amabara atandukanye mu kwirinda guhuza amabara.

Ingingo ya 11

Amakipe yombi agomba kugera ku kibuga mbere y'isaha imwe, mbere y'umukino nk'uko amategeko agenga umupira w'amaguru mu Rwanda abiteganyaga.

Ingingo ya 12

Ikipe itagararagaye k'umukino ihanishwa mpaga y'ibitego 3 igahita inakurwa mu irushanwa ry'igikombe cy'Amahoro.

Ingingo ya 13

Gutanga ikirego bikurikiza amategeko asanzwe ya FERWAFU



Ingingo ya 14

- ❖ Iyo umukino uhagaze bitewe n'impamvu y'ibiza (Cas de force majeure) usubirwamo bucyeye, hagakinwa iminota yari isigaye. Amakarita n'ibitego byabonetse mu mukino ubanza bihabwa agaciro,
- ❖ Hakina abakinnyi bari mu mukino igihe wari uhagaze.
- ❖ Abasifuzi na komiseri b'uwo mukino ntibahinduka keretse hari uwagize ikibazo gikomeye kandi akaba yabimenyesheje FERWAFU,
- ❖ Mu gihe ikipe yatsinzwe itagarutse gukina uwo mukino iterwa mpaga iyo iyatsinze itagejeje kubitego bitatu. Igihe ikipe yatsinze ibitego birenze bitatu nibyo bibarwa.

Ingingo ya 15

Amafaranga yinjije ku mukino azatangwa ku buryo bukurikira:

- ❖ Hazakurikizwa amasezerano FERWAFU yagiranye na barwiyemeza mirimo bahawe isoko ryo kugurisha amatike ku bibuga,
- ❖ Mu gihe ku kibuga habereye imikino ibiri, amakipe abiri yasuwe agabana hakurikijwe ibikubiye mu masezerano FERWAFU yagiranye na barwiyemeza mirimo bavuzwe haruguru,

Ingingo ya 16

Haramutse hagaragaye ibindi bibazo bitavuzwe muri aya mategeko, Komite Nyobozi niyo ifata icyemezo igendeye ku cyifuzo cya komisiyo ishinzwe amarushanwa. Ishobora kwifashisha amategeko ya FERWAFU, CAF, na FIFA, cyangwa igakoresha ubushishozi.



UWAMAHORO Tharcille Latifah

Umunyamabanga Mukuru

Fédération Rwandaise de football Association